

զի անտոնեւի ին բանք թղթոյն . յայնժամ ձգեալ Երեմիա զձեռն իւր՝ ասէ ցեղիագար, զի՞ եւս կարդաս ըզբանս այդպիսի . տուր ինձ զի պատառեցից զդա, և Սուքիաս բուռն հարեալ՝ յինքն էառ զթուղթն՝ և ասէ . ընդէ՞ր է քեզ պատառել զայդ . առ ազգս Հայոց բողոքեմք՝ խնդրել զդատաստան 'ի Մարտիրոսէ եւ յայտ առնել՝ թէ այսպիսիք ոմանք են դիմադարձք Եղիազարու : Իսկ Երեմիա աղաչեաց անտես առնել և յոչ ինչ համարել զբանս նորա . զի ես գիտեմ՝ ասէ՝ թէ որպիսի ոք է նա յեղեղուկ մոօք և անզգոյ՝ 'ի բանս . եւ այսպէս մեկնեցան 'ի միմեանց և Երեմիա գնաց յուխտ յերուսաղէմ . իսկ Մարտիրոս ելեալ յԵւդովիոյ գնաց յԵջմիածին, եւ անտի 'ի Կոստանդինուպօլիս . եւ ըստ խորհրդոյ Յակոբայ Կաթուղիկոսի՝ գտանել իւր ձեռնառու զՄիրզէ և զՍոսորով արեւելեան վաճառականս Հայոց, և ես ասէ եկից հանգարա զինի քո :

Իսկ Աստուածատուր Պատրիարք՝ յորմէ յսփշտակեաց Եղիազար զՊատրիարքութիւնն Երուսաղէմի, բազում ընծայիւք հաճեցոյց զիդեշխ քաղաքին որ կոչէր Էմիր էլ Հաճ Քաշա՝ և զայլսն . էառ գիր 'ի գատարանէ, և հանրադրութիւն յայլազգեաց, և առաքեալ 'ի դուռն՝ ամբաստան եղեւ զԵղիազարէ : Եւ գրեաց առ Մարտիրոս վարդապետ 'ի Կոստանդինուպօլիս զի հնարասցի նանրացուցանել ըզՊատրիարքութիւն Եղիազարու եւ հաստատել զիւրն, յղեալ առ նա 20,000 դահեկան : Եւ նորա տուեալ ինչ ինչ առ տեղապահ Եպարքոսին՝ էառ 'ի նմանէ թուղթ հաւանութեան, զի Աստուածատուր հատտառեացի 'ի Պատրիարքութեան Երուսաղէմի, եւ ինքն Մարտիրոս 'ի փոխանորդութեան նորին . և առ հաստատութիւն այսր տուեալ Մարտիրոսի ընդ իւր զթղթեանս և զնմանիս նոցա, ել եւ գնաց յԱդրիանուպօլիս, ուր եկեալ էր Եպարքոսն հանգերձ բանակաւ՝ դարձ արարեալ 'ի պատերազմէն Մաճառաց : Եւ 'ի սոյն միջոցի Յակոբ Կաթուղիկոս ոչ դադարէր գրել սոէպ սոէպ գիր եւ նամակ օրհնութեան ընդ ամենայն տեղիս, աղաչելով զամենեւին մի կրկին դուռն բանալ երկպառակութեան, և մի՛ ընդդէմ զինիլ հարազատ աթոռոյ իւրեանց : Եւ քանզի կային բազումք՝ որք